



KOMUNIKADO PA PRENSA

Fecha

11 di yüli 2016

Kolaboradó di Maneho

Corinne Leysner

Email

corinne.leysner@gobiernu.cw

TA BIN ADAPTASHONNAN NA E KAMINDA NA TERA KORA

Willemstad - Minister Suzy Camelia-Römer i Obra Públiko di Ministerio di Tráfiko, Transporte i Planifikashon Urbano, ta laga hasi algun adaptashon i mehorashon na e proyekto Rekonstrukshon di Weg naar Westpunt na altura di Tera Kòrá. Despues di un periodo di evaluashon, basá riba kehonan di komersiantenan i habitantenan, a disidí pa hasi algun adaptashon na e kaminda i tambe mehorá parti di e asera.

Un di e kambionan ta ku ta bai hasi mas fásil pa outonan por subi e asera na supermerkadu. E trabounan ta tuma 6 siman pa kaba, kuminsando djarason dia 13 di yüli próksimo, i ta den man di kontratista CWM. Tráfiko tin ku tene kuenta ku e trahadónan di e kontratista ku ta traha kantu di kaminda. Ta trata di laga e kaminda habrí pa tráfiko mas tantu posibel. Si tòg mester sera e kaminda pa tráfiko, ta anunsiá esaki adelantá.